

## ჩემპიონატი

### სტალინგრადში თამაში ყაიმით დამთავრდა

(რადიოელვა ჩვენი სპეც. კორესპონდენტისაგან)

მძიმე პირობებში ჩატარდა ეს საინტერესო მატჩი სსრ კავშირის პირველობაზე ფეხბურთში. **სტალინგრადის “ტრაქტორი”** თავის მოედანზე საბრძოლო შემადგენლობით გამოვიდა. **თბილისის “დინამოს”** კარებს ამჯერად იცავდა ახალგაზრდა მეკარე ტყეზუჩავა. გაგუა შესცვალა კიკნაძემ. თავბრუდამხვევი შეტევა განავითარეს თბილისელებმა თამაშის დაწყებისთანავე. თავდასხმის ხუთეული სტალინგრადელების კარების ხშირი სტუმარია. მეთერთმეტე წუთზე ძლიერი დარტყმით ჯეჯელავა ხსნის ანგარიშს. მე-27 წუთზე პაიჭაძე ელვისებური გაქანებით ურტყამს საჯარიმო ბურთს. ბურთი ბადეშია. პირველი ტაიმი დამთავრდა 2:0 თბილისელთა სასარგებლოდ.

მეორე ტაიმი უფრო ცხოველ ხასიათს ატარებს. ხშირია კრიტიკული მომენტები ორივე გუნდების კარებთან. მე-15 წუთზე “ტრაქტორის” გუნდის შესანიშნავ თავდამსხმელს პონომარიოვს გააქვს პირველი ბურთი. 27-ე წუთზე მეორეჯერ პლაცენკოს მიერ ირღვევა თბილისელთა კარები. დინამოელები უფრო აძლიერებენ თამაშს, მაგრამ შედეგი არ არის.

მატჩი დამთავრდა ფრედ – 2:2.

**“ახალგაზრდა კომუნისტი”, 18 აგვისტო, 1939 წ.**